



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU DEMOKRATSKE OBITELJSKE STRANKE

SADRŽAJ

MIŠLJENJE	3
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1 NALAZI.....	5
5.2. PREPORUKE	7

MIŠLJENJE

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske obiteljske stranke za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbe poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Demokratska obiteljska stranka prekršila odredbe člana 5. stav (4), člana 11. stav (1), člana 12. stav (1), (3), (4) i (5) i člana 13. stav (1) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske obiteljske stranke za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2018. godinu, Demokratska obiteljska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	160,00	1,44
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	350,00	3,15
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	500,00	4,50
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	1.010,00	9,09
II	Ostali prihodi i drugo	10.100,00	90,91
	Izvori finansiranja (I+II)	11.110,00	100,00

U godišnjem finansijskom izvještaju stranka je iskazala rashode u ukupnom iznosu od 10.888,70 KM.

2. PREDSTAVLJANJE POLITIČKE STRANKE

Naziv političke stranke je Demokratska obiteljska stranka. Skraćeni naziv stranke je DOS.

Demokratska obiteljska stranka je registrovana kod Općinskog suda u Livnu, Rješenjem broj: 068-0-F1-14-000-001 od 06.02.2014. godine.

Sjedište političke stranke je u Tomislavgradu, ulica Kralja Zvonimira bb.

Lice ovlašćeno za zastupanje stranke u 2018. godini je Marko Bagarić.

Lice ovlašćeno za podnošenje finansijskih izvještaja za 2018. godinu nije navedeno u finansijskom izvještaju.

Prema podacima iz godišnjeg finansijskog izvještaja, Demokratska obiteljska stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske obiteljske stranke za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na

bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskog izvještaja Demokratske obiteljske stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava sa posebnim naglaskom na priloge pravnih lica, ostale prihode i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Demokratske obiteljske stranke od 2014. do 2017. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršene revizije godišnjeg finansijskog izvještaja za 2017. godinu, Služba za reviziju je izdala Izvještaj o reviziji godišnjeg finansijskog izvještaja Demokratske obiteljske stranke sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama, da finansijske izvještaje dostavlja u zakonom propisanom roku, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da dostavlja i drugu traženu dokumentaciju po zahtjevu Centralne izborne komisije BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Demokratska obiteljska stranka nije ispoštovala preporuke revizije.

5. NALAZI I PREPORUKE REVIZIJE

5.1 NALAZI

a) Demokratska obiteljska stranka prekršila je odredbu člana 5. stav (4)¹ Zakona o finansiranju političkih stranaka.

- (1) Demokratska obiteljska stranka nije u poslovnim knjigama evidentirala nenovčanu donaciju po osnovu besplatnog korištenja poslovnog prostora i nije izdala potvrdu o donaciji pravnog lica u skladu sa odredbom člana 6. stav (1) Pravilnika o godišnjim finansijskim izvještajima političkih stranaka, čime je prekršila odredbe člana 5. stav (4) Zakona o finansiranju političkih stranaka.

Uvidom u Potvrdu o dodijeli na korištenje poslovnog prostora bez naknade, utvrđeno je da je stranka koristila poslovni prostor u vlasništvu pravnog lica „Mozaic“ d.o.o. Tomislavgrad, bez plaćanja zakupnine².

Demokratska obiteljska stranka je korištenjem poslovnog prostora bez plaćanja zakupnine ostvarila nenovčanu donaciju, koju je imala obavezu da evidentira osim u godišnjem finansijskom izvještaju i u poslovnim knjigama.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

² Potvrda pravnog lica „Mozaic“ d.o.o. Tomislavgrad od 20.12.2016.godine, kojom se daje saglasnost političkoj stranci da može koristiti poslovni prostor bez naknade.

(2) Politička stranka je primila donaciju od pravnog lica „Mozaic“ d.o.o. Tomislavgrad u iznosu od 850,00 KM³, kome je bila obavezna da izda potvrdu o prijemu donacije. Ne izdavanjem potvrde o prijemu donacije, stranka je prekršila odredbe člana 6. stav (1) Pravilnika.

b) Demokratska obiteljska stranka prekršila je odredbe člana 11. stav (1)⁴ i odredbe člana 12. stav (1)⁵, (3)⁶, (4)⁷ i (5)⁸ Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne dokumentacije, utvrđeno je da Demokratska obiteljska stranka nije uspostavila potpune i tačne evidencije o svojim prihodima, rashodima i obavezama, nije dostavila finansijski izvještaj za period izborne propagande na način kako je utvrđeno Izbornim zakonom Bosne i Hercegovine, nije dostavila dodatnu dokumentaciju, niti je godišnji finansijski izvještaj popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1), (3), (4) i (5) Zakona o finansiranju političkih stranaka.

(1) Stranka je na obrascu 3 (izvori finansiranja) godišnjeg finansijskog izvještaja iskazala ukupne prihode u iznosu od 11.110,00 KM, dok je Bilansu uspjeha evidentirala prihode u iznosu od 510,00 KM.

Kontrolom izvoda od transakcijskog računa, broj: 1610000114390171 kod Raiffeisen bank, utvrđeno je da je stranka primila pozajmicu od pravnog lica „Mozaic“ d.o.o. Tomislavgrad u iznosu od 10.100,00 KM⁹, koju je u godišnjem finansijskom izvještaju iskazala kao ostali prihod stranke, odnosno iskazala je prihode koje nije ostvarila, čime je prekršila odredbe člana 12. stav (1) i (4) Zakona i odredbe člana 13. Pravilnika.

(2) Stranka u godišnjem finansijskom izvještaju nije tačno iskazala ukupne rashode, čime je prekršila odredbe člana 21. i 22. Pravilnika.

- Demokratska obiteljska stranka je u godišnjem finansijskom izvještaju iskazala ukupne rashode u iznosu od 10.883,70 KM, dok je u Bilansu uspjeha evidentirala ukupne rashode u iznosu od 10.534,00 KM.¹⁰

- Demokratska obiteljska stranka nije iskazala troškove zakupa, čime je prekršila odredbe člana 21. i 22. Pravilnika.

(3) Na obrascu 5 (obaveze političke stranke) godišnjeg finansijskog izvještaja, Demokratska obiteljska stranka je iskazala obaveze na dan 31.12.2018. godine u iznosu od 10.100,00 KM, dok su u Bilansu stanja evidentirane obaveze u iznosu od 10.320,00 KM, čime je utvrđeno da stranka nije postupila u skladu sa odredbama člana 12. stav (4) Zakona o finansiranju političkih stranaka i odredbama člana 24. Pravilnika.

(4) Dana 28.08.2019. godine, Centralna izborna komisija Bosne i Hercegovine je Demokratskoj obiteljskoj stranci uputila Zahtjev za dostavljanje dodatne dokumentacije za 2018. godinu, kojim

³ Demokratska obiteljska stranka primila je donaciju od pravnog lica „Mozaic“ d.o.o. Tomislavgrad u iznosu od 350,00 KM i nenovčanu donaciju od istog pravnog lica u iznosu od 500,00 KM za korišćenje poslovnog prostora bez naknade.

⁴ Politička stranka dužna je voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom.

⁵ Politička stranka vodi evidenciju o svojim prihodima i rashodima.

⁶ Politička stranka podnosi poseban finansijski izvještaj za period izborne propagande na način kako je utvrđeno Izbornim zakonom Bosne i Hercegovine.

⁷ Do 31.03. naredne godine politička stranka podnosi finansijski izvještaj u formi koju odobri Centralna izborna komisija BiH.

⁸ Sva lica su dužna da podnesu izvještaj moraju da podnesu i dodatne izvještaje koje Centralna izborna komisija BiH zatraži.

⁹ Ugovor o posudbi, broj: 001/18 od 25.05.2018. godine.

¹⁰ Demokratska obiteljska stranka je u godišnjem finansijskom izvještaju troškove propagande u iznosu od 350,00 KM iskazala i na obrascu 4.1. i obrascu 4.2. finansijskog izvještaja.

je od stranke traženo da dostavi: Bruto bilans stranke na dan 31.12.2018. godine, Glavnu knjigu sa kompletnim analitičkim evidencijama stranke za period 01.01.-31.12.2018. godine, Godišnji obračun (bilans stanja i bilans uspjeha), dokumentaciju o korištenju poslovnih prostora u 2018. godini (dokaze o vlasništvu nad nekretninama, ugovore o zakupu, odluke ili izjave), kopiju izdatih potvrda o primljenim priložima od pravnih lica, dokumentaciju o nenovčanim priložima, dokumentaciju vezanu za ostale prihode i kopiju izvoda sa transakcijskog računa stranke broj: 1610000114390171 otvorenog kod Raiffeisen banke za period 01.01.-31.12.2018. godine i kopiju ugovora o pozajmicama.

U ostavljenom roku stranka nije dostavila svu traženu dodatnu dokumentaciju, i to: Glavnu knjigu sa kompletnim analitičkim evidencijama stranke za period 01.01.-31.12.2018. godine, kopiju izdatih potvrda o donacijama pravnog lica „Mozaic“ d.o.o. Tomislavgrad i dokumentaciju o nenovčanoj donaciji, čime je prekršila odredbe člana 12. stav (5) Zakona o finansiranju političkih stranaka.

- (5) Demokratska obiteljska stranka je dostavila godišnji finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine dana 01.02.2019. godine, tj. nakon zakonom propisanom roku¹¹, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

c) Demokratsko obiteljska stranka prekršila je odredbe člana 13. stav (1) Zakona o finansiranju političkih stranaka.

Demokratsko obiteljska stranka u obrascu 1 (opšti podaci o političkoj stranci) godišnjeg finansijskog izvještaja nije navela podatke o ovlaštenoj osobi za finansijske izvještaje, čime je prekršila odredbe člana 13. stav (1) Zakona o finansiranju političkih stranaka i člana 9. Pravilnika.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Demokratska obiteljska stranka je u svrhu izborne kampanje mogla da potroši 6.495,40 KM.

Demokratska obiteljska stranka je u godišnjem finansijskom izvještaju za 2018. godinu iskazala troškove izborne kampanje u iznosu 350,00 KM.

5.2. PREPORUKE

Preporučuje se Demokratskoj obiteljskoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da izdaje potvrde o prijemu donacije bez obzira na način na koji je ostvarena,***
- ***da poslovne knjige vodi u skladu sa računovodstvenim propisima, odnosno da vodi pravilne evidencije o prihodima, rashodima i obavezama,***

¹¹ Rok je bio 06.12.2018. godine.

¹² Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

- *da finansijske izvještaja dostavlja u zakonom propisanom roku,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i*
- *da dostavlja i drugu traženu dokumentaciju po zahtjevu Centralne izborne komisije BiH.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić